



Olga Spörri-Berther

naschida ils 15 da december 1944

Ils 6 da settember 2003 havein nus priu cumiau da Olga Spörri-Berther en baselgia parochiala a Sedrun. Ils 8 da settember ei sia tschendra vegnida derasada egl ual dalla Val Strem, nua ch'ella ei vegnida anflada morta ils 6 d'uost 2003.

Olga Spörri ei naschida sco 5-avel affon da Christian e Maria Berther-Monn. Suenter las scolas a Sedrun frequenta ella la scola mercantila e la scola da hotellaria. 1969 marida ella dr. med. Oskar Spörri da Wettingen/AG. Igl onn 1972 nescha sia feglia Sancha. 1978 sedisgraziescha siu um tier in accident cun auto. Da lezza frida ei l'Olga strusch revegnida. Ella seretila anavos e dedichescha tut il temps ella educaziun dalla feglia. Tier spassegiadas e vasts viadis en tiaras lontanias ch' ella fageva adina persula anflava ella recreaziun. Questa stad ha ina tala giu fatalas consequenzas. Ils 22 da fenadur 2003 han ins viu l'Olga la davosa gada. Ella ei buca pli returnada d'ina spassegiada en sia carezada Val Strem.

Cheu admittein in grond engraziament alla colonna d'agid da Sedrun cun siu schef Silvio Decurtins, grazia alla quala la defuncta ei vegnida anflada. Era alla polizia cantunala Mustér, en special a siu schef da survetsch, Felici Deflorin per la gronda lavur poliziala, igl agid ed il susteniment tier la lavur da retscherca.